

نوں دعائے ایمان: اوہدے کلام تے زورتے و شواش

ایشور مسیح دا اس جگ تے آون دا اک مقصد سی، تے اوہ مقصد پر میشور دی بادشاہت نوں قائم کرنا تے اوہدی منادی کرنا تے شیطان دے کم نو فناہ کرنا سی۔ سانوں ایشودے شاگرد ہون دی وجہ نال مسیح دے جتے دا حصہ ہون دیاں ہو یاں سانوں اوہدے مشن یعنی پر میشور دی بادشاہی نوں ودھانہ تے شیطان دے کم نوں فناہ کرنا ہے۔ تے اسیں ایہہ کم ایشودے پورے زورتے ادیکار دی بنا تے بالکل کر سکدے ہاں۔ تے ایہہ کرنا ساڈی ذمہ داری اے۔

مرقس 11:20 تا 26 آیت دے پہلے پیرے تے گوہ کرن توں پہلاں ایہدے اگڑ کچھڑ دے حوالے نال تھوڑا بوہت دساں گا۔

ایشور لادھو دے بال اتے چڑھ کے یروشلم وچ داخل ہوندا ہے تے لوک ہوشعنا دے نعرے مار دے ہن۔ اے اوہدے بادشاہ ہون دا اعلان سی۔ کیوں جو اوہ سلیمان بادشاہ وانگوں یروشلم وچ وڑھیا تے جدوں لہنوں بادشاہ نے مسیح کیتا (پہلا سلاطین 1 باب 33 تا 34) ایس طراں ایشور نے زمین تے

پر میشور دی بادشاہت دی منادی دی شروعات کیتی۔ اگلے دیہاڑے ہیکل دی راہ اتے جان دیاں ہو یاں اوہ اک انجیر دے رُکھ توں پھل لہن آیا پر رُکھ تے نیں سی۔ آپ نے اوہدے تے لعنت پائی پئی اگوں توں تینوں کدی پھل نیں لگے گا۔ ایہ رُکھ بنی اسرائیل تے اوہدے مذہبی قیام نوں دسد اے۔ کیوں جو اوہناں اوہدی بادشاہت دا یقین نیں سی کیتا تے بے پھل ثابت ہوئے۔ سانوں ایس گل تے گوہ کرنا ایس پئی کنج انجیر دے رُکھ دی ایہ کہانی ایشور نال جڑی ہوئی اے۔ ہیکل وچوں

کار وباری لوکاں نوں کڈھنا پر میشور تے ایشور نال سمبندھ نوں ظاہر کردا ہے۔ ایشور ایس رُکھ تے لعنت پاون دے فوراً مگروں ہیکل وچ داخل ہوندا اے تے ایس نوں اے کم دی منڈی جا پدی اے تے اوہ آکھدا اے پئی پر میشور دا گھرتے دعا دا گھر ہوندا اے تے جیہڑ ایہہ لگدا نیں پیا سی۔

ایہو جہی جاہ تے پر میشور ہراک دی دعا سند اے۔ ایشور نے سارے وچن والیاں تے اوہناں ساریاں نوں جیہڑے پیسے دا بیوپار کردے سن او تھوں کڈھ دتا۔ تے آکھیا جتھے دعا کرنی جج دی اے اوہنوں لوکاں چوراں دی تھاں بناں دتی اے۔

مرقس 11 باب 20 تا 26 آیت

20۔ پھر جدوں اوہ اوس پاسیوں گزریا تے اوہنے اوس رُکھ نوں جڑتوں سکلیا ویکھیا۔

21۔ پطرس نوں اوہ گل یاد آئی اوہ آکھن لگا۔ "ربی ویکھ ایہ انجیر دا رُکھ جیس تے تسین لعنت

پائی سی اوہ سک گیا۔

22- ایشوع نے جواب وچ اوہناں نوں آکھیا پر میثور تے ایمان رکھوتے۔

23- میں تہانوں سچ آکھدا ہاں پئی جیہڑا ایس پہاڑ نوں آکھے اکھڑ جاتے سمندر وچ جا لگتے  
شبہ نہ کرے سگوں یقین رکھے پئی جو کجھ آکھدا اے اوہ ہو جاوے گاتے اوہدے واسطے اوہ ای  
ہوئے گا۔

24- ایس واسطے میں تہانوں آکھدا ہاں جو کجھ تسیں دعا وچ منگدے او یقین رکھو پئی تہانوں  
مل گیا تے اوہ تہانوں مل جاوے گا۔

25- جدوں تسیں کھڑے ہو کے دعا کر دے اوہ تے جے تہانوں کسے نال شکوا ہوے تے اوہنوں شماں  
کر دیوتاں جو تہاڈا آسمانی پتا جیہڑا آسمان تے ہے تہاڈے پاپ شمعیاں کرے گا۔

26- تے جے تسیں معاف نہ کرو گے تے تہاڈا آسمانی پتا وی تہاڈے پاپ نہیں معاف کرے گا۔

سانوں جانن دی لوڑاے پئی ایشور کی آکھدا اپیا اے۔ انجیر نوں ایہ رُکھ صاف طراں ہیکل دی  
علامت وانگوں دکھالی دیندا اے۔ جیہڑا مذہبی پکیائی پیدا کرن وچ ناکام ہو گیا اے تے مر یا ہو یا  
دکھالی دیندا اے۔ ہیکل تے انجیر دے رُکھ دے وچالے جیہڑا سمبندھ اے۔ ہیکل دے سردار کاہن  
تے لاوی دی حیاتی نوں جانن دل اشارہ وی اے جیس دی پچھان ایہ سی پئی ایس داکم مری ہوئی

حیاتی وچ جان پانی تے ایس پھل دے رُکھ دے وانگوں جاندار بنانا ہوندا سی۔ (عدد باب 17)

1: تا 11 آیت) ایہ اختیار لے لیا گیا تے ایشور نوں دے دتا گیا جیہڑا حیاتی دامالک اے سردار کاہن دی

حیاتی مرد ابن گئی۔ ایس بادشاہت ولوں ویکھدے ہاں جیہڑی بنی اسرائیل دے سچے پر میثور

ولوں کاہناں دی دتی گئی سی ایشوع نے ایس بادشاہت دی شروعات کیتی تے جہان نوں

ایشور نے اپنا مکتی داتا منیا سی تے اوہدے نال چلن دا وعدہ کیتا سی اوہ ہی اوس دی بادشاہت دے

والی وارث ہن تے اوہدے شاگرد جنان نال اوہنے ایس طراں گل کتھ کیتی۔

ایشور اتھے ناں صرف ہیکل دی بتائی ولوں دسد اپیا اے سگوں اپنے حواریاں نوں اپنی بادشاہت

دے وارث ہون دا یقین وی دلاندے ہن پئی بنی اسرائیل دی نویں بادشاہت وچ کوئی ہیکل یاں

کلیسیا نہیں ہووے گی۔ کیوں جو ایس ای ہیکل ہاں ساڈی دعاسنی جانن اے۔ کیوں جے جدوں

سلیمان نیں پہلی ہیکل بنوائی تے پر میثور نوں یقین دلایا۔

2 توارتخ: 7 باب 15 آیت۔

ہُن توں جیڑی دعا ایس جاہ تے کیتی جاوے گی ایس تے میریاں اکھاں کھلیاں تے میرے کن لگے  
ریہن گے۔

ایشور اپنے حواریاں نوں یقین دلاندے ہن پئی یرو شلم تے ہیگل دی جگہ لیہدے توں چنگی ہووے  
گی۔ جیہیں وچ بادشاہ، کاہن تے سچی بنی اسرائیل نوں یعنی کلیسیا نوں اوہنے بڑی وڈی طاقت  
دتی اے پئی اوہ ایس مشن نوں جاری رکھن، تے لیہدی بادشاہت نوں ودھاندے ریہن تے شیطان  
دے کم نوں فنا کر دے ریہن۔ کیوں جو بادشاہت دے وارث یعنی کلیسیا دے ممبران نوں دعادے  
نال بڑی وڈی طاقت، محبت تے فضل تک پونچھ دی گئی اے۔ جیڑی بدنی لحاظ نال نیں پئی  
پر میثور اوہناں دی سن داتے جو اب دیندا اے یاں نیں دیندا سگوں پر میثور دے کلام تے ایمان،  
ساڈے یقین تے اعتماد نال ایس طراں کرنا ممکن اے۔

1 یوحنا: 3 باب 22 تے 23 آیت

22۔ تے جو کجھ اسیں منگدے ہاں تے اوہ ایس طراں ملدا اے کیوں جو اسیں اوہدے حکماں تے  
عمل کر دے ہن۔ جیڑا کجھ اوہ پسند کر دالے تے اوہ انہوں پوریاں کر دالے۔  
23۔ تے اوہدا حکم اے ہے پئی اسیں اوہدے بیٹے تے ایمان لیاہئے تے جیہیں طراں اوہنے سانوں حکم  
دتا اے اسیں آپس وچ محبت رکھیے۔

1 یوحنا: 5 باب 14 آیت

تے سانوں لیہدے سامنے دلیری اے ایس دی وجہ ایہہ وے پئی اسیں ایس دی مرضی دے نال کجھ  
منگدے ہاں تے اوہ ساڈی سن دالے۔ جدوں اسیں اک دو جے نال پریم رکھدے ہاں تے اسیں اوہدے  
وعدے تے پکے رہندے ہاں۔ پئی ایہ سب کجھ کرن نال اسیں اوہدی بادشاہت دے وارث بن دے  
ہاں تے بادشاہت دے وارث ہوون دے حیثیت نال اسیں جو کجھ منگدے ہاں سانوں ملدا اے۔  
نوٹ۔ اسیں دعائے ایمان واسطے کجھ شرطاں رکھیاں نیں جیہڑیاں تھلے دتیاں گیاں ہن۔  
1۔ پر میثور دے عہد وچ پر میثور نال تے اک دو جے نال پریم رکھنا تے ساریاں نوں شمعان کر دے  
ہویاں تہاڈے وچالے کوئی دشمنی ناں ودھے۔

2۔ پر میثور دی مرضی نال منگنا کیوں جو اسیں پر میثور دی سیوا واسطے ہاں ناں کہ اپنی۔

3۔ پر میثور تے پورا یقین تے بھروسہ رکھدے ہویاں تسیں دلی طور تے جان لوو پئی تہاڈی دعادا

جو اب لہجہ گیا اے۔ بھانویں اسیں ظاہری طور تے نیں ویکھ سکدے۔ ایہہ ہی ساڈا ایمان اے پئی

ظاہری ثبوت دی بجائے ایس دے کلمہ تے بھروسہ رکھنا جیہڑا روح اے تے سنن تے قادر اے۔ ایشور نے سانوں اوہ سارازورد تاتا اے جہیدے نال اسیں شیطان دے کم نوں مکاسکدے ہاں تے پر میشور دی بادشاہت نوں ودھاسکدے ہاں۔

متی 18 باب: 18 تا 20 آیت

18۔ میں تہانوں سچ آکھدا ہاں جو کجھ تسیں دھرتی تے بنوں گے اوہ آسمان تے بجھ جاوے گا تے جو کجھ دھرتی تے کھولو گے آسمان کھل جاوے گا۔

19۔ پھر میں تہانوں سچ آکھدا ہاں جے تہاڈے وچوں دو بندے کسے گل نوں جنوں اوہ چاہندے ہوں اکٹھے ہوون تے میرے پتالوں جیہڑا آسمان تے ہے ہو جاوے گا۔

20۔ کیوں جے جتھے دو یاں دو تو بوہتے میرے نال تے اکٹھے ہوون میں اوہناں دے وچکار ہوواں گا۔

سانوں وہ اوہدے ایس فطری زور نال ٹرنا ایں۔ جدوں اسیں شاگرداں دے نال ایشور دے بدن ہوون

دی حیثیت دی وجہ نال اک ہاں تے سانوں اپنے آپ نوں پر میشور دی مرضی نوں پوریاں کرن

واسطے پر میشور دی طاقت دے مطیع بنانا اے۔ ایہ ظاہری طور تے مرقس 11 باب 20 تا 26 آیت وچ

لوکاں دا ہیكل دی بجائے اک جاہ تے اکٹھے ہوناں تے اوہدے نال اتحاد نوں ظاہر کر دالے۔ اکٹھے

دعا کرنا ساڈے وچ اک دو جے نال بے لوٹ پریم تے ایشور وچ اک ہوون نوں ظاہر کر دالے۔

ساڈا پورا یقین اے پئی ساڈے ایشور وچ اک وڈا کم ساڈی دعا وچ ممکن اے۔ ایس واسطے ساڈی

بدنی روشنی تے بدنی سمجھ دے نال چلنا ثبوت نیں اے۔ سگوں اوہدے جلال دے نال چلنا اے۔ تاں

اسیں دنیا دی روشنی ویکھ سکدے ہاں۔ جیہڑی پر میشور نیں پہلے دن بنائی۔

(پیدائش 1 باب: 3 تا 5 آیت) ساڈے ایمان دی روشنی ایہدے نالوں کتے بوہتی اے۔

امثال 3 باب 5 آیت

5۔ سارے دل نال پر بھوتے توکل کرتے اپنی سوچ تے بھروسہ نہ کر۔

جدوں اسیں پر میشور تے تکیہ کر دے ہاں تے اسیں کلام دی روشنی نال چلدے ہاں۔ کیوں جے

پر میشور ایشور دے ذریعے تے کلام دے ذریعے ساڈے تے ظاہر ہويا۔ ایس دی الہی طاقت ایس دے

شاگرداں وچ تے جیہڑے ایشور وچ قائم رہندے ہن موجود اے۔ جیہڑی ایہناں نوں اوہدے تے ایمان

لیاوتے پر میشور نال وفاداری داراہ دسدی اے۔

دعا دے نال ساڈا ایمان ودھ دالے۔ سانوں دعا کرنی جج دی اے کیوں جے پر میشور دے کلام نال

ساڈے وچ طاقت پیدا ہو جاندی اے

- دعادی اک شرط اے وی ہے پئی اسیں لیہدی مرضی پوری کریئے۔ سانوں لیہدی مرضی ولوں حیران نیں ہونا سگوں جدوں اسیں شفا واسطے دعا کردے ہاں تے پر میثور ساڈے اُتے اپنی مرضی ظاہر کردا اے۔ سانوں اوہدے کلام، تعلیم تے کم نوں جانن دی لوڑا اے۔

ایہ صاف طور تے نظر آوند اے پئی پر میثور نیں چاہندا ہے پئی سانوں بدی دا تجربہ ہووے ایہہ ہی وجہ اے پئی پر میثور نے آدم نوں نیکی تے بدی دی پچھان دے رکھ دا پھل کھان توں منع کیتا۔ مکاشفہ دی کتاب ایس گل دی تصدیق کردی اے۔ پئی ہمیش دی بادشاہت وچ کسے طراں دی وی بدی دا تجربہ نیں ہووے گا۔ اوتھے نہ اتھر و، نہ مرگ۔ نہ غم، نہ رونا تے نہ دکھ ہووے گا۔

(مکاشفہ 21 باب 4 آیت) کمزوری تے بیماری بدی دا نتیجہ اے جیہڑا پر میثور ساڈے توں کدی نیں چاہندا تے نہ ای ایہہ اوہدی مرضی اے۔ پھر وی انسان دے پاپ کرن دی وجہ نال پر میثور دی بادشاہت وچ شامل ہون واسطے پر میثور سانوں ادیکار دیندا تے ساڈے کول ایہ ادیکار اے یعنی سانوں کھولن تے بنن دادی طاقت دتی گئی اے۔ پر لیہد ادار و مداساڈے تے ہے۔ کمزوریاں تے بیماریاں شیطان دی کم نیں۔ تے یسوع شیطان دے کم نوں فنا کرن واسطے آیا۔ جیہڑا کوئی ایمان دے نال پر میثور کول آوند اے تے اوہ شفا پاند اے۔ تے اوہ واپس کدی نیں جاندا۔ کلام مقدس وچ ایسا کوئی اشارہ نیں ہے پئی اسیں اوہدے کلام اوتے بھروسہ نہ کریئے۔

یعقوب 15 باب 15 آیت

تے جو کوئی دعا ایمان نال کیتی جاوے گی اوہدی وجہ نال بیمار بچ جاوے گا تے پر بھواو ہنوں چک کھڑا کرے گا۔ تے جے اوہنے پاپ کیتے ہوون تے اوہناں دی وی معافی ہو جاوے گی۔

کیوں جے جدوں اسیں کمزوریاں تے بیماریاں وچ پھڑے جاندے ہاں، پر میثور چاہندا اے پئی سانوں بدی وچوں کڈھے تے لیہنوں نیکی تے ساڈے فائدے واسطے ورتے۔ ایس طراں دے تجربات ایمان نوں آزمان واسطے ہوندے ہن۔ ایہہ سانوں ویلہ دیندے ہن پئی تسیں ایمان وچ کپکے ہوئے۔ تاں جو اوہدے اعتماد تے بھروسے نوں حاصل کریئے تے اپنے اوتے واضح ہوون تیک اوہدی صبر نال اڈیک کرنا سکھ سکے۔ پر میثور چاہندا اے پئی اسیں اوہدی مرضی لبھن تے لگے رہیے۔

یعقوب 1 باب 2: تا 6 آیت

2- اے میرے بھراو! جدوں تسیں ون سونیاں آزمائشاں وچ پوو۔

3- اے جان کے بوہت خوشی دی گل سمجھنا، پئی تہاڈے ایمان دی آزمائش تہاڈے وچ صبر پیدا کر دی اے۔

4- تے صبر نوں اپنا کم کرن دیوتاں جو تسیں پورے تے مکمل ہو جاو۔ تے تہاڈے وچ کسے گل دی کمی نہ رَوے۔

5- پر جے تہاڈے وچوں کسے وچ عقل دی کمی ہو وے تے پر میثور کولوں منگو جیہڑا بغیر ملامت کیتیاں کھلے دل نال دیندا اے۔ اوہنوں دے دتی جاوے گی۔

6- پر ایمان نال منگے تے شک نہ کرے کیوں جو شک کرن والا سمندر دی لہر وانگوں ہوند اے جیہڑی لیہدے وچ بیندی تے لچھلدی رہندی اے۔

رومیوں 5 باب 3 تا 4 آیت

3- صرف ایہ ہی نیں سگوں مصیبتاں وچ وی فخر کرو ایہ جان کے پئی مصیبت توں صبر جنم لیندا اے۔

4- اور صبر توں پکیائی تے پکیائی توں امید جنم لیندی اے۔

جہناں نے صبر تے قائم رہنا سکھ لیا ایثور نے ایہناں نوں انعام دین دا وعدہ کیتا اے۔

مکاشفہ 3 باب 10 آیت

10- ایس واسطے پئی توں میرے صبر دے کلام تے عمل کیتا تے میں وی آزمائش وچ تیری رکھوالی کراں گا۔ جیہڑا زمین تے رہین والیاں تے ساری دنیا تے آون والا اے۔

ایتھوں تیک ایمان تے پکے رہنا تے صبر کرنا سکھنا اک بوہت وڈا انعام اے۔ پکا ایمان سانوں

برداشت کرنا تے لیہدے تے پکے رہنا سکھاند اے۔ پوری طراں اپنے دل وچ ایمان رکھدے ہو یاں

جانن دا اکوای طریقہ اے پئی پر میثور دے کلام تے پورا بھروسہ رکھنا اے۔ روح تے بھروسہ

رکھدے ہو یاں تے روح دے نال چلنا تے بدنی سمجھ نال نہ چلنا کیوں جے پر میثور شروع دی حقیقت

اے تے شروع دی حقیقت دی تعریف بدنی حقیقت دی ظاہری پن نیں ہے۔ پر میثور روح اے تے

لیہد اکلام روح تے زندگی اے۔ پر میثور اکلام بدنی حقیقت دی تخلیق اے جیویں کائنات،

آسمان تے زمین دے تخلیق ہوئی، بدنی حقیقت توں مراد پر میثور دے کلام وانگوں چلنا تے لیہدے

تے قائم رہنا اے۔

ایہہ اوہ مطالبہ اے جیہڑا سانوں ایثور دے ناں تے اختیار نال پہلے ای مل چکیا اے۔ ایمان سانوں

ایشور مسیح دے ناں وچ حقیقی روحانی سلطنت تے بدنی سلطنت ساڈے تے ظاہر کر دالے۔ ایس واسطے جدوں اسی جان دے ہوئے پئی پر میثورد اکلام سچا اے اسیں بھروسہ رکھدے ہاں پئی اوہ کیہ آکھے گا۔ سانوں صرف کدوں تے کیویں صبر واسطے گوائی دی لوڑاے۔ اے صبر تے برداشت اے۔

تے لہدے تے پکیاں رہنا برکت اے جیہڑی سانوں بدی تے آزمائش توں بعد ملدی اے۔ تے جس دا سانوں تجربہ ہو یا اے۔ نیکی جیہڑی بدی دے بدلے ملدی اے جدے نال ساڈا ایمان پکا ہوندا اے۔ ایشوردے حواریاں ایشوردے کم نوں جاری رکھیا ہو یا اے۔ سانوں ایشور تے بھروسہ رکھدے ہو یا اپنے زور تے قابلیت نال ایس دی بادشاہت نوں ودھانا تے شیطان دے کم نوں فنا کرنا اے۔ مسیح سانوں ایس کم نوں جاری رکھن سگوں ایس بوہت وڈھے کم نوں جاری رکھن دے قابل بناندا اے پئی اسیں اوہدے تے بھروسہ تے ایمان رکھیے۔